



CHANSON NEVEZ,

*Composet var sujet eur c'himiât etre daou zen
yaouanq a escopti Treguer.*

Var un ton divertissant.

Ar Goas.

BONJOUR deoc'h, va Mestres, deut oun c'hoas
d'ho quelet;

Dioc'h ma leverot din, em rentot glac'haret ;
C'houi oar a bell amzer peguement-ho carân ;
Merqet emeus-èn deoc'h n'en d'e get a vremen.

Demeus eur c'hostez all-oc'h eus sur va zromplet,
Ma na deut oc'h-unan eun nebeut d'am c'haret ;
Seblantout a rê din ne oac'h get drouc comtant
M'en em gavemp un tu assambles e parlant.

Bet zo gueneomp hon daou alies preposiou,
Testes vat oc'h anê, dalc'hit mat d'ho comzou ;
Me vo fidel d'am guer, dalc'bit mat d'oc'h hini,
An amzer a avanç, poent e deomp demezi.

Ho pizach, ho portret, ho teod, ho taoulagad,
Ho furnes, ho tonçder, ho comzou dereat,
O deus grêt em speret qer bras impression,
Mar deut d'am dilezel, e ranno va c'halon.

449 4 19 198



N'ouffet petra d'ober, ret eo clêvet bremâ
 An arret definitif, va setañc diveza ;
 Guell eo mervel buan eguet bout languissant,
 Bepret en esperañc, bepret en nec'hamant.

Roit din, va Mestres, prontamant va arret,
 Ha sonjit qest e rei emeus calz ho caret ;
 Consultit ho calon, sonjit n'en deus hini
 Ho car mui eguedon, ha deut d'am c'honsoli.

Ar Plac'h.

Donet d'ho consoli a c'houlet, va mignon,
 Ezom a meus ive à gonsolation :
 Ganêc'h e c'houlennan ar c'braç a c'houlennet,
 Ezom hon eus hon daou da veza consolet.

Ho setañc a c'houlennit, plijet gant va Jesus
 E tepantè ouzin e rei deoc'h gracios !
 Certen en o pije en ho tiscretien,
 Agreabl deomp hon daou en dezir hor c'halon.

Ma vijen me mestres demens va bolonte,
 Me vpa deoc'h ha c'hui din bep nep dificulte :
 M'emeus ho caret mat hac ho car a vremâ,
 Ranna ra va c'halon oc'h en em dispartia.

Mes qent dispartia, me ho ped, selaouet,
 Ha grit reflexion var va guer ur momet :
 Doue a c'houre'hemen senti oc'h tad ha mam,
 Hac oboissa dê evit beza divlam.

Int a zalé'h en henver plaç an Otrou-Doue,

Obeissomp, p'on eus digante ar vue :
 Calz a boan o deus bet o tont d'on elevi,
 Ne get just hep o graç-vad donet da zemezi.

O mouez zo evidomp certain mouez un Doue,
 Bigen netra ne ran hep caouet o c'honje :
 Grêt emeus va fossubi vit o renta contant,
 Grêt oc'h eus oc'h ini, ha ne dint get assant.

Me gred bremâ certain ne domp get destinet
 Da yeza priejou assambles unisset ;
 Doue ra deomp entent e vouez dre o guenou,
 Bigen ne dransgressan sur e c'hourc'hemennou.

Ma raen hep o c'hraç-vad ur marchat get padus,
 Em be aon goude-se na ven me maleurus ;
 Va c'houstianç goude a rebeche din-me
 Em be ho qemeret hep conje va ligne.

Comzet meus ha grêt comz en hor faveur oute,
 Ha biscoas n'eus gallet o zrei var an tu-ze ;
 Credit en assuranc on-me get bras sachet
 Ha ma ouffac'h beza, pa ne dint distroet.

Qement ameus grêt tout a zo bet inutil,
 Demezi hep o c'honje n'en deo get difficil ;
 Mes hennes zo eun dra ha na rin birviçen,
 Var guementse james ne dorrin o lezen.

Ar Goas.

Hebien, va mestres, houmâ zo calonat,
 A goust un abondanç d'aelou d'am daoulagat!

Va c'halon gant glac'har a zo cazi rannet :
Houmâ zo calonat, goude beza caret !

Ar Plac'h.

Allas ! va servicher, penaos ho consoli ?
Qer bras eo va regret ha ma zeo hoc'h hini ,
Qement en ho carien ha m'aljac'h va c'haret :
Ar rêgret a zo just entrezomp partajet.

Ar Goas.

Coulz eo ta, va mestres, prontamant qimjadi ,
Pa n'eus get a voyen evit hor c'honsoli ;
Credet am boa bepret an amzer a deuje
Da zistrei ho qerent da veza em c'hoste.

Gounezet em boa-y ha distroet a gren ,
Mes prestiq goude-se e chenchont a lezen ;
Ne fizin get enno, aoualc'h oc'h eus clêvet
Divar var fenn bemdez pa deuen d'ho quelet.

Poent e deoc'h caout peoc'h, ha din-me dimezi,
Ahen eiz dez amâ me vo sur anezi :
Qeuz ameus o quitat ; c'houi vise, ma carjac'h,
Nemet var ho refus birviqen n'am bo plac'h.

Adieu deoc'h a larân, adieu va esperanç ;
Bremâ me ranço clasq en eur plaç all va chanç,
Fachet e zoun terrubl o tonet d'o quitat ;
N'en deus netra d'ober vis gounit ho craç-vat.

Roit din qent quitat ur poq da guimiada ;
Allas ! me gred cêrten e vo an diveza :

Calet e deomp hon daou ur seurt cris disparti,
Manqout-ra va c'halon, an nerz em izili.

-Ret eo e nep-fortun caout calz eus a gourach;
Arabat eo sucombi james evel eul lach :
Finissomp gant enor vel m'hon eus comancet,
Pa na bermet Doue e vemp-ni unisset.

Adieu-deoc'h a laràn gent evit ho quitat,
Me c'houlèn evidoc'h tri pe bevar mennat :
Da guenta caout un all en devo talanchou
Mui eguet n'ameus-me, ha mui eus a vadou.

Buez hir, joa eurustet, ha calz demeus a chanç,
Yec'het, plijadurez, famill en abondanç,
Graç Doue er bed-mâ da zont d'o qenderc'hel,
Er bed-all d'ar goude ar joayou eternal.

Ezàn bremâ d'ar guêr, adieu a laràn deoch,
Birviden n'ho-quelin n'am bezo joa ouzoc'h;
Mar permet va c'hlac'har arteti va daclou,
Aben eiz dez amàn eur plac'h all am bezo.

Pa ne allàn caouet an hini ameus c'hoant,
Sur un all am bezo hac a vezo contant;
Un nor a ser ouzin hac un all a zigor :
Ret eo goude refus repari an henor.

Ar Plac'h.

Allas! va servicher, m'ho ped, na gredit get
E ven-me qirtec mar d'oc'h bet refuset;
M'am bize-me gallet, hep terri al lezen,
Donet d'och eurcurji, certen en er grajen.

Qement oun glac'haret ma ouffac'h-u beza,
 Emedi va chalon var ar poent da ranna;
 Bras eo ar sacrific a rân-me da Zoue,
 Me gred e recevin ar recompanç goude.

Me garje n'am bize birvigen ho quelet,
 Pa ne allân bremâ ho possedi bepret;
 Dre va obeissanç qer aoualc'h e pacân
 Va education, va antren er bed-mân.

N'ouffet Petra raet, al lezen a gomand,
 Ne avancin james hep o c'honsantamant.
 Brizomp bremâ souden oll nerz hor chadennou,
 Ha renonçomp a grenn d'hon oll promessaou.

Enem separomp pront, pa n'ellomp-gouseoude,
 Na chomomp qet an eil d'astija eguile,
 Elec'h-all ny gavo eur re d'hor c'honsoli,
 Rac amân hor glac'har ne ra nemet cresqi.

Qent ma tispartiimp, m'ho ped, va servicher,
 Un daou pe dri souhet ameus c'hoant da ober;
 Ur fortun gaer ha prompt, furnez, madou, coantis,
 Vertuz, speret, menach, famill ha yaouanqis.
 F Graç Doue er bed-mâ da zont d'o qenderc'hel,
 Hac er bed-all goude ar joayou eternal:
 Cetu aze ar poqou ho poa goulennet,
 Biscoas hini na rois gant muioc'h a regret.

Ma carre an dud yaouanq pere a rên er bed,
 Cundui ho yaouanqis gant enor ha respet,

E vevfent oll erfat e durant o bue,
O caout an esperanç demeus a c'hloar Doue:

FIN.

CHANSON AR BIG.

Var un ton ancien.

DEMEZELET an otron Tanguy
O devoa diou Big en o zi;
Disqet o devoa d'ê parlant,
Evit o divertissamant:
Da vourg Plouyan e c'hent da bourmen,
Da velet o amezeyen.

Ar big qenta eus aneze

A ye eus an eil ti d'eguille,
Elec'h ma sante c'hoes ar c'hrampoez;
Hac e c'houlenne un tamic
Da zoulaji e c'halonic.

Allas! dre valeur e zeo bet êt
Da di Jannet an Avelet,
Evit goulen un tam crampoez,
Hac ive ur banac'hic læz;
Mes an dirantes-se cruel,
El lazas gant un tol spanel.

Monstr! da galon na fraille get.

8
Gant an druez eus e c'hlevet
O crial diyat boes e fenn :
Va buez din, Aveleden ;
M'ar doud fachel, ne deuin mui
Da glasq crampoer na yot da ti.

An dirantes ne get bet contantet
O veza bet ar big lazet ;
Qemennet e deus da-vap Grall
E rencje ober qement all ,
E rencje ober evelti
Da big all an otrou Tanguy.

Yan an Ena, ni a sonje
E voas-te fur bete neuze ;
Pa poa-de grêt eur belevat,
E poa qeillet ar scudel goat,
A poa-de qeillet en ti-forn :
Chang vad hon eus divar da zom.

FIN.



E MONTROULEZ, e ti LÉDAN, e'ru ar Vur.